

中國地方志集成


雲南府縣志輯 ④5

民國馬關縣志(一)

鳳凰出版社 ● 上海書店 ● 巴蜀書社

民國馬關縣志（一）

張自明
王富臣
等纂修



另函具

本書十卷，據民國二十一年（一九三二）石印本影印。

張自明 著

馬關縣志序

馬關居國防之衝自法蘭西割據越南以還又為吾滇屏蔽前
清末葉中法訂約設對汎劃沿邊一線以理外交殆入民國又
劃東安里為西疇一縣昔日廣大之區而今已成彈丸矣然地
面雖小其間山川之險峰巒之秀則惟馬關所特出蓋山川居
高臨下虎視全陬而峰巒如春笋怒生蒼翠可愛雖進化稽遲
不乏挺拔英偉之士崇尚武功者多而博學通才則鳳毛麟角
耳如縣志一書為地方根本之要山川風物之所必詳政教沿
革之所必備上述往哲之遺徽下作後人之良模小之如一家

之宗譜大之若一國之史冊天經地義不可或缺非有通達之士出而搜集之不足以言修志非有多數之財儲而備用之不足以言修志然搜集有人備用有款又非有關心文獻者銳意而提之摯之亦不足以言修志焉關文士既麟鳳之可貴而公款又羅掘之無方其修志也不亦難乎余於辛未春自麻栗坡卸篆來長斯土迭接省內外各機關令函索志詢諸邑紳云縣志已成稿以款絀故未付梓余不禁躍然曰志既成稿功已半矣款雖難籌余當負責一簣之力曷速興而為之異日張紳天源持稿至披閱一過覺其中有抄冗之病且駁雜不馴非詳加

筆削不足以資考證而垂後世然筆削之任又將誰屬諸紳環以請余復毅然肩之乃定期設局委左紳進思黃紳傳銘主局務劉紳作樑司出納并令各區團保及有識之士負採訪而款亦應時籌就於是筆者削者彙者繕者校正者採訪者協修者稽日聚一堂不百日而縣志已繫然成書矣語曰衆志成城又曰有志者事竟成信哉余不才不敢以言修志惟念馬關地居邊要界務尤宜重視因是而董率以成復將縣地畧圖石印入書以備參考志修於辛未冬十一月書成於壬申三月用誌數言以記其事後之君子擴而充之則幸甚

丁巳年

續修縣志序

大道不行孔子始作春秋二世云亡蕭相先收圖籍蓋所以正
千古之是非明萬方之事物其重大未可以權量者也縣志雖
為一方之書凡治亂沿革善惡褒貶以及土地民物文化交通
罔不包羅是合春秋圖籍而兼作者也其為書不更重耶但縣
志之編纂甚難為直筆耶將開罪於豪門為曲筆耶將失信於
後世此述事之難也寫景則風生紙上狀物則形見毫端此傳
神之難也故吾邑志書雖曾兩度纂稿終覺未愜人意求之高
閣不願付梓亦有年矣近年事變紛乘綱紀陵夷當局失其賞

蜀草野亡其忌憚民生凋敝國步艱難事功委罪此日且李戴
張冠事過境遷後世將數典忘祖必有實錄庶免訛傳况當訓
政進行方俗文獻立待參稽則縣志需要於今更切吾邑開闢
晚近文藝不競著述之才稀若麟鳳初纂志稿之唐揆百盧靈
谷兩先生復相繼物化老成凋謝後起無人邑志完成倍覺不
易茲幸邑侯張君渾菴龍陵鴻儒經史名家來牧吾邑百廢並
舉邑人以舊志進呈請分琴政餘畧代為刪訂俾得卒稿付印
以慰渴望張君慨然曰邑志之缺吾與有責也一簣之功當與
諸君共成之於是撥款設局俊彥羣集不兩月而稿已竣蓋以

張君之德不畏強禦述事無直筆之忌張君之文並駕班馬揮
毫無點竄之煩胸羅錦繡目無全牛其速也良有以也稿成張
君謂進思參與末議亦宜有一序以志原委顧進思不能文不
欲效東施之顰以取笑於大雅惟志稿將完之日正值日本強
佔我東省之時警電傳來痛憤曷已倘不得公平之解決對外
宣戰進思嘗食國俸名列軍籍當隨吾邑健兒共作前驅滅此
朝食拚葬骨於蓬山瀛海間以完國民職責勉附一言以記吾
痛不亦可乎夫亡國天下之最痛事也殺敵天下之最快事也
外侮迭乘國難方殷寧為玉碎勿圖瓦全願邑人共懷亡國之

痛常懷殺敵之快只須人心鞏固金甌無損則文化之進展物
產之繁興乃自然之事將來之歷史圖籍必更擴充而光大之
豈不有榮幸焉

民國二十年十一月一日邑人左進思識於劉氏之問瀛樓

原序一

竊聞載一國之事謂之史載一縣之事謂之志史與志名異而實同馬關三里極邊隸滇西南隅與交趾接壤在明為三長官司地於時無志迨清定鼎於賄咒河劃界分疆三里曾設廳官衙署名曰安平與開化府縣同城共襄治理側聞志之始修也創於康熙初年洎嘉慶中葉有名儒萬重箕者集地方碩彥又從而續修焉迄今百有餘年幾經兵燹衰亂之餘雖蒐羅遺稿每多斷簡殘編史闕有間方今民國肇造百度維新舉凡向之興廢凌夷忠孝節義山川人物暨昔年與法人劃界添設歸仁

一里附版圖等事未悉湮沒際茲移銜伊始百務勞然若不纂之於志誠恐將來老成凋謝文獻難徵南董之良史無存魯魚之訛書誰辨且也書非麟筆派失龍門其如吾闕之地面遼濶事蹟繁多何陳陳相因空言奚益別縣志纂修既非一人之力所能蕺其事尤非一日之功所能要其成即能馳騁古今貫穿經傳其如掌故者之獨力難支何己未夏幸議員李君家祐自省歸來知邑志一書所關綦重竭力發起提倡商之縣長趙君湘臯共襄厥事適宗姪根仁亦承認循歷各鄉覈實採訪至總理修纂之事共推西區盧君一善定期於民國八年六月十

七日開局辦理除各里另委採訪員紳外又舉會計常君慶雲
出入招待惟措雖應期到局然自慚謏陋學淺識膚且年邁昏
庸難膺鉅任萬一言不足錄必為後世所詬病第楷在公有年
仔肩難卸日望各里名士肯臨纂修為志乘生色今春盧君一
善始惠然來相助為理於是提綱挈領將採訪事實分門別部
竭其心力錄列成稿雖無佳作美觀亦以俟後之續修者可為
先導云耳

中華民國九年歲次庚申秋七月邑人唐世楷識於紫薇軒中

原序二

在昔封建變為郡縣莫不有志志之一書所以載土地人民政
事之興衰山川古蹟之名勝風俗人情之美惡以為後世之文
獻也吾邑自康熙六年設安平廳與開化府同城至光緒三十
二年移住馬白迨辛亥反正民國肇造廢郡立縣改安平為馬
關自是以來縣治愈顯而百廢愈興邦人士曰開化有志吾邑
無志曩日雖附開化纂修不過記其大概今當改革若不興修
何以繼往開來於是會集同人稟請前任知事趙荃籌款設局
開辦舉善等任編纂之役善不又難勝任惟念老成零落絕續